

書名

卷一百九十

杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷一百九十

內容分類 史·政書·歷代通制

索書號 貴重-17

編號 B3510400



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿
少卿附

太常卿 丞奉禮郎主簿
博士
太祝
兩京郊社署

太樂署
鼓吹署
太醫署
太公廟等署

光祿卿 丞良醞署主簿
掌醢署
太官署
珍羞署

衛尉卿 丞守宮署主簿
武庫署
武器署
左右都候

宗正卿 丞諸陵署主簿
崇玄署

太僕卿 丞典牧署主簿
乘黃署
諸牧監
典廄署

大理卿 正司直丞評事監
獄丞

言卿附 少卿

討平之

葱茈羌

燉煌西西域之南山中從媯羌媯而西至葱嶺數千里有月氏餘種葱茈音紫羌白馬黃牛羌各有酋豪北與諸國接不知其道里廣狹傳聞黃牛羌種類孕身六月生南與白馬羌隣並魏時聞焉

杜氏通典卷第一百八十九 終

杜氏通典卷第一百九十

邊防六 西戎二

吐谷渾

乙弗敵

宕昌

鄧至

党項

白蘭

吐蕃

大羊同

悉立

章求拔

泥婆羅

吐谷渾

吐谷渾本遼東鮮卑也西晉時酋帥徒何涉歸有二子長曰吐谷渾少曰若洛廐胡罪代統部落別為慕容氏渾庶長廐正嫡父在時分七百戶與渾渾與廐二部俱牧馬馬鬪相傷廐怒徑遣使謂渾曰先公處分與兄弟異部牧馬何不相遠而今馬鬪渾曰馬是

畜生食草飲水春氣發動所以致鬪鬪在於馬而怒
於人耶乖別甚易今當去汝於萬里之外矣於是擁
馬西行乃西附陰山今朔方屬永嘉之亂始度隴西
止於抱罕而後子孫據有甘松之南洮水之西南極
於白蘭在益州西北甘松山在今交州郡境今臨洮政郡之南及合川郡之地其
地四時常有冰雪唯六七月雨雪甚盛若晴則風飄
沙礫有麥無穀其青海周迴千餘里海中有小山每
冬冰合後以良牝馬置此山至來冬收之馬有孕所
生得駒號曰龍種吐谷渾嘗得波斯草馬放入海因
生駒能行千里故時稱青海駒焉至其孫葉延以
禮云公孫之子得以王父字為氏吾祖始自昌黎先

宅於此今以吐谷渾為氏尊祖之義也自吐谷渾至
葉延曾孫視罷皆有才畧知古今司馬博士皆用儒
生至其子阿豺自稱驃騎將軍沙州刺史阿豺無并
羗氏號為強國遣使詣宋朝獻阿豺死弟慕瑣立音瑣
壞遣軍擊乞伏戎蔓敗之戎音東奔隴右慕瑣據有
其地其時赫連定據長安為後魏主所攻敗擁秦雍
戶口十餘萬西次罕开慕瑣拒擊大破之生擒定送
於魏後弟慕延立魏太武帝遣軍擊延大破之慕延
率部落西奔白蘭攻破于闐國南依窟賓七年乃還
舊土慕延死阿豺兄樹洛于子拾寅立始邑於伏羅
川至玄孫夸呂立自號為可汗理伏侯城在青海西

十五里有地方數千里其西北諸雜種謂之阿紫虜
贊即其南界隴涇城去成都千餘里大戎有四一在清
水一在赤水一在澆河一在吐屈真川皆子弟所理
其主理慕賀川西有黃沙南北百二十里東西七十
里不生草木雖有城郭不居而隨逐水草官有王公
僕射尚書及之號其主椎直追髻以皂為帽其
妻衣織成裙披錦袍髻於後首載金花丈夫衣服
畧同於華夏多以羃羅為冠亦以繒為帽婦人皆貫
珠束髮以多為貴兵器有弓刀甲稍國無常賦須則
稅富室商人以充用焉父兄死妻後母及嫂等與北
狄俗同死者亦皆埋殯其服制葬訖則除之性貪婪

忍於殺害後周明帝武成初夸呂寇涼州詔賀蘭祥率

兵討破之又攻拔其洮陽泥和二城置洮州今臨洮郡地

而還武帝天和初其龍洞王莫昌率衆降以其地為

扶州今同昌郡地二年復遣皇太子征之軍度青海至伏

侯城夸呂遁走虜其餘衆而還隋開皇中夸呂侵洮

州在今安化郡界遣上柱國元諧擊之賊悉發國中兵

自曼頭至於樹敦甲騎不絕諧頻擊破之夸呂率其

親兵遠遁其名王十三人各率部落而降夸呂在位

且百年死以後還以慕容為姓其子伏允立煬帝初

伏允遣子順來朝帝令鐵勒襲大敗之伏允東走保

西平今西平郡帝復令觀德王雄以掩之大破其衆伏允

遁逃部落來降十萬餘口伏允懼南遁於山谷間其故地皆空自西平臨羗城以西且末以東祁連以南雪山以北東西四千里南北二千里皆為隋有置郡縣鎮戍發天下輕罪徙居之其地在今西平郡之西張掖酒泉郡之北隋氏置西海且末河源等郡於是留順不之遣伏允無以自資率其徒數十騎客於党項大業末天下亂伏允及順復其故地大唐貞觀中李靖侯君集破滅之伏允遠遁為左右所殺其子大寧王順歸降於是重建其國封順為西平郡王仍加越巨屈反胡呂烏甘豆可汗之號旋又為其下所殺十年立順子諾曷鉢為河源郡王主其國自是衰弱而吐蕃強盛高宗時為其破滅諾曷

鉢以餘眾復來降中間於靈州之境置安樂州以諾

曷鉢為刺史其故地並沒于吐蕃後又封渠帥慕容

宣超為青海王武太后朝郭元振上安置降吐谷渾

狀曰臣昨見唐休璟張錫等眾議商量其吐谷渾部

落或擬移就秦今天隴今汧陽郡或欲移近豐原今靈

賦責令漸去邊隅使居內地用為防閑之要冀免背

叛之虞臣以為並是偏見之一端未為長久之深冊

若近秦隴則與監牧雜居如在豐靈復與默啜甫爾

必以慮其翻覆須有遷移縱至中土安可易其本性

至如耽爾乙旬貴往來王孝傑奏請自河源軍徙靈

州用為愜便及其逃叛之日穿監牧掠馬群所在傷

夷大損州縣是則遷居中土無益之明驗矣往者素和貴雖背聖化只從當所居地叛走其於中國無所損傷但是失少許吐渾耳豈與句貴之爲害同日而語哉今吐谷渾之降者非驅畧而來皆是渴慕聖化衝鋒突刃棄吐蕃而至者也臣謂宜當循其情以爲制勿驚擾之使其情地稍安則其係戀心亦日厚當涼州降者今武威郡則宜於涼州左側安置之當甘州今張掖郡則宜於甘肅左側安置之當瓜今雷沙今燉煌郡降者則宜於瓜沙左側安置之但吐渾所降之處皆是其舊居之地斯輩既投此地實有戀本之情若因其所投而便居之其情易安因數州而驟

裂之則其勢自分順其情分其勢而不擾於人可謂善奪戎狄之權矣何要纂聚一處如一國使情通意合如一家脫有異志則一時盡去傷害州縣爲患慮深何如分置諸州使每州皆得吐渾使役欲有佗懷必不能遠相連結揔去臣愚輒以爲勝冊如允臣此見其所置之處仍請簡取當處強明官人於當處鎮遏之則小小爲非亦可杜絕兼每使達蕃情識利害者其宣超兄弟一人歲往巡按以撫護之無使侵削其生業日就樂戀自亦深矣如此臣實爲羈縻戎狄之良冊設使後有去就不過邊州失少許吐渾終無傷於中國今此輩心悠揚而無主未知所安在早定

安置之計無令驚擾速生邊患

乙弗敵

乙弗敵後魏聞焉在吐谷渾北國有屈海其海周廻千餘里衆有萬落風俗與吐谷渾同然不識五谷唯食魚與蘇子蘇子狀若中國枸杞子或赤或黑西有契翰一部風俗亦同上特多狼

岩昌

岩昌羗後魏時興焉亦三苗之胤與先零燒當罕开諸部姓別自立酋帥皆有地分不相統攝岩昌即其一也俗皆土著居有棟宇其屋織毳牛尾及羗羊毛覆之無法令又無徭賦唯征伐之時乃相屯聚不然

則各事生業不相來往皆衣裘褐牧養羗牛羊豕以供其食俗有蒸報無文字但取木竿落以記歲時三年一相聚殺牛羊以祭天俗重虎皮以之送死有梁勤者代爲酋帥得羗衆心乃自稱王其界自仇池以西東西千里席水以南南北八百里

仇池山在今同谷郡上祿縣席水在

今王水地多山阜部衆二萬餘落至其孫彌念始遣

使於後魏太武帝拜爲岩昌王至七葉孫彌秦皆受南北

兩朝封爵

宋齊梁及魏並各羈縻之

後見兩魏分隔末熙末種人企定

乃引吐谷渾寇金城

今郡地

後企定弟彌定寇石門戍周武

帝天和初詔大將軍田弘討平之以其地爲岩州

今懷道郡

鄧至

鄧至羗之別種也後魏時興焉有像舒理者代爲白水酋帥因地名爲號鄧至王其地自千亭以東平武以西汶嶺以北宕昌以南今懷道郡之南通北郡之北交川臨黃河昌郡之地也風土習俗與宕昌同自舒理至十代孫舒彭附于後魏孝文帝封其松縣子鄧至王後數代西魏恭帝初其主檐術因亂來奔周文帝遣兵送還自後無聞

党項

党項羗在古折支之地漢西羗之別種魏晉以降西羗微弱周滅宕昌鄧至之後党項始強南雜春桑迷桑等羗北連吐谷渾其種每姓別自爲部落一姓之中復分爲小部落大者萬餘騎小者數千騎不相統

一有細封氏費聽氏往利氏頗超氏野律氏房當氏朱禽氏拓跋氏而拓跋最爲強族俗皆土著有棟宇織毳牛尾及羊毛覆之俗尚武無法令賦役其人多壽年至百五六十歲不事生產好爲竊盜常相陵劫尤重復讎讎人未得必蓬頭垢面跣足蔬食要斬讎人而後復常男女並衣裘褐乃披大氊不知耕稼土無五穀氣候多風寒以羗牛馬驢羊豕爲食五月草始生八月霜雪降求大麥於佗界醞以爲酒妻其庶母及伯叔母嫂子弟之婦媼穢蒸報諸夷中最爲甚然不婚同姓老死者則仰天云枉而悲哭焚之名爲火葬無文字但候草木以記歲時大唐貞觀三年南

會州都督府鄭元璫遣使招諭其酋長細封步賴舉部內附亦自入朝列其地爲執州拜步賴爲刺史其後諸部相次內附列其地爲岨奉巖遠四州各拜首領爲刺史

白蘭

白蘭羗之別種周時興焉東北接吐谷渾西至叱利模徒南界鄂郡風俗物產與宕昌同武帝保定元年朝獻使至

吐蕃

吐蕃在吐谷渾西南不知有國之所由或云禿髮利賁孤有子樊尼其主偁檀爲乞伏熾盤所滅樊尼率

餘種依沮渠蒙遜其後子孫西魏時爲臨松郡丞張

掖郡張掖縣界與主簿皆得衆心因魏末中華擾亂招撫羣

羗日以強大遂改姓爲宰蘇骨反敦野故其人至今號

其主曰贊府貴臣曰主簿又或云始祖贊普自言天

神所生號鶻堤悉補野因以爲姓宰敦野與悉補野言訛其實一也或

云本姓棄蘇農也其國出都城五百里過烏海入吐谷渾部

落彌多彌蘇毗及白蘭等國至吐蕃界其國風雨雷

電每隔日有之盛夏節氣如中國暮春之月山有積

雪地有冷瘴令人氣急不甚爲害其俗重漢繒而貴

琴瑟男女用爲首飾其君長或在跋布川或居邏婆

川有小城而不居坐大氊帳張大拂廬其下可容數

百人兵衛極嚴而衙府甚狹俗養牛羊取乳酪供食兼取毛爲褐而衣焉不食驢馬肉以麥爲尪人死殺牛馬以殉取牛馬積累於墓上其墓正方累石爲之狀若平頭屋其臣與君自爲友號曰共命人其數不過五人君死之日共命人皆日夜縱酒葬日於脚下針血盡乃死便以殉葬又有親信人用刀當腦縫鋸亦有將四尺木大如指刺兩肋下死者十有四五亦殉葬焉設官父死子代絕嗣即近親襲焉非其種類輒不相伏其官章飾有五等一謂琴瑟二謂金三謂金飾銀上四謂銀五謂熟銅各以方圓三十褐上裝之安膊前以辨貴賤法令嚴肅兵器有弓刀楯鞘甲

曹每戰前隊皆死後隊方進人馬俱披鎧子甲其制甚精周體皆遍唯開兩眼非勁弓利刃之所能傷也其戰必下馬列行而陣死則逆收之終不肯退鎗細而長於中國者弓矢弱而甲堅人皆用劍不戰亦負劍而行其驛以鐵箭爲契其箭長七寸若急驛膊前加著一銀鶻有可跋海去赤嶺百里方圓七十里東南流入蠻與蠻西二河合流而東號爲漾鼻水又東南出會川爲瀘水焉自赤嶺至邏婆川絕無大樹木唯有楊柳人以爲資置大論以統理國事無文字刻木結繩爲約徵兵用金箭寇至舉燧與其臣下一年一小盟用羊狗三年一大盟用人馬以麥熟爲歲首

其國都號爲邏婆城用法嚴整議事則自下而起因人所利而行之此其所以能強且久也重壯賤老母拜於子重兵死惡病終以累代戰沒者爲甲門臨陣奔北者懸狐尾於其首表其似狐之怯其贊普弄贊雄霸西域隋開皇中其主論贊率弄贊都特柯西走播城已五十年矣國界西南與婆羅門接自大唐初已有勝兵數十萬號爲強國男女皆辮髮氊裘以頽塗面無器物以手捧酒而飲之屈木令圓以皮作底就中而食俗多金及小馬党項白蘭諸部及吐谷渾西域諸國咸畏懼之至其主棄蘇農贊貞觀十五年正月以宗室女封文成公主降于吐蕃贊普命禮部

尚書江夏王道宗送之弄贊親迎于河源見王人執子婿禮甚謹歎大國服飾禮義之美俯仰有媿沮之色謂所親曰我祖父未有通婚大國者今我得尚大唐公主當築一城以誇後代仍遣酋豪子弟請入國學以習詩書至高宗初封賓王蘇農死其子早卒以孫代立號乞黎拔布幼小大相祿東贊攝知國事摠章中以兵臨吐谷渾吐谷渾告急咸亨中高宗令將軍薛仁貴郭待封等率衆十餘萬伐之至大非川爲大論欽陵所敗因遂滅吐谷渾欽陵姓薛氏其父祿東贊婆曉兵術吐蕃贊府以國事委之講兵訓師雅有節制吐蕃之并兼諸羗雄霸西土東贊有力焉有

子五人及東贊死欽陵兄弟復專其國上元中寇鄯
廓等州儀鳳三年遣工部尚書劉審禮爲洮河軍總
管率兵十八萬以討之戰于青海軍敗沒於陣調露
二年中書令李敬玄戰于大非川又敗績續遣黑齒
常之襲擊破之武太后如意初武威軍總管王孝傑
大破吐蕃復龜茲于閬疎勒碎葉四鎮至萬歲通天
初又寇涼州執都督許欽明欽陵兄弟皆有才畧欽
陵多居中諸弟分領方面諸蕃憚之二年吐蕃大論
欽陵遣使請和武太后遣前梓州通泉縣尉郭元振
往至野狐河與陵遇陵曰大國久不許陵和陵久不
遣蕃使以久無報命故去秋有甘涼之抄斯實陵罪

今欲和好能無懼乎振乃謂曰論先考東贊以宏才
大畧服事先朝結好通親荷榮承寵本期傳之末代
垂於無窮論不慕守舊恩中致猜阻無故自絕日尋
干戈屢犯我河湟頻擾我邊鄙且父通之子絕之豈
爲孝乎父事之子叛之豈爲忠乎然論之英聲籍甚
遐外各自爲主奚爲懼乎陵曰如所來言陵無憂矣
今天恩旣許和好其兩國戍守咸請罷置以便萬姓
各守本境靡有交爭豈不休哉然以西十姓突厥四
鎮諸國或時附蕃或時歸漢斯類皆多翻覆伏乞聖
恩含弘拔去鎮守分離屬國各建侯王使其國自君
人自爲守今旣不款漢又不屬蕃豈不大免憂虞荒

陬幸甚振曰十姓四鎮本將鎮靜我落以撫寧西土
通諸大邦非有他求論今奚疑而有憂虞乎論曰使
人此詞誠爲實論然緣邊守將多好功名見利而動
罕守誠信此蕃國之所爲深憂也振曰十姓諸部與
論種類不同山川亦異爰覽古昔各自區分復爲我
編人積有年歲今論欲一言而分離數部得非昧弱
苟利乎陵曰使人豈不疑陵貪冒無厭謬陳利害窺
竊諸部以爲漢邊患耶陵雖識不逮遠請爲使人明
之陵若愛漢土地貪漢財幣則青海湟川實邇漢邊
其去中州蓋三四千里必有窺羨何不爭利於此中
而突厥諸部懸在萬里之外磧漠廣莽殊異中國安

有爭地於萬里外而能爲漢邊患哉捨近務遠計豈
然也但中州人士深謀多計天下諸國皆爲漢并雖
大海之外窮塞之表靡不磨滅矣今吐蕃塊然獨在
者非漢不貪其土地不愛其臣僕實陵兄弟小心謹
密得保守之耳而十姓中五咄六諸部落僻近安西
是與吐蕃頗爲遼遠俟斤諸部密近蕃境其所限者
唯界一磧騎士騰突旬日即可以蹂踐蕃庭爲吐蕃
之巨蠹者唯斯一隅且烏海黃河關源阻深風土疫
癘縱有謀夫猛將亦不能爲蕃患矣故陵無敢謬求
西邊沙路坦達夷漫故縱羸兵庸將亦易以爲蕃患
故陵有此請實非有侵漁諸部以生心於漢邊陵若

製 複 許 不

NOT TO BE REPRODUCED

東京大学東洋文化研究所

有謀漢之懷有伺隙之意則其涼右地暨于積石此道綿細幾二千里其廣者不過二三百里狹者纔百里陵若遣兵或出張掖或出玉門使大國春不遑種秋無所穫五六歲中或可斷漢右界矣又何以爲棄所易而窺所難乎此足明陵心矣往者高宗以劉審禮有青海之役乃使黃仁素賈守義來和陵之上下將士咸無猜忌故邊守不戒嚴和事曾未畢以爲好功名人崔知辯從五侯斤路乘我間隙瘡痍我衆驅掠牛羊蓋以萬計自此陵之國人大危慄和事矣今之此求但懼好功名者之吞噬冀此爲翰屏以虞之實非有他懷焉振曰茲事漫汗體大非未使所能明

論當發使奉章以聞取裁於聖主陵乃命郎宗乞思若爲使振曰今遣使之後國不可更犯漢邊且蕃使前後入朝不時遣者良以使去之後兵仍犯漢故朝廷躊躇曰是給徒改反我也以爲偵諜不以爲使人遂遷延無報今若踵前陵塞是故陷所去人使孰謂請和也陵俛首踖躅久之曰陵與國人咸恨崔知辯之前事故嘗有此舉以虞好功者之來侵比實以選練騎士三萬分路出師使人既有此言今既於和事非便安可相違即罷兵散卒遂指天爲信斯具之表矣振與思若至時朝廷以四鎮十姓事欲罷則有所顧欲拒則有所難沉吟久之莫之能決振爲役夏奉戎

竭內事外非計之得乃獻疏曰臣聞利或生害害亦生利國家奄有天下園囿八荒而萬機百揆之中最難消息唯吐蕃與默啜受命是將大利於中國若圖之不審則害亦隨之如防害有方則利亦隨之今欽陵所論唯分裂十姓地界抽去四鎮兵防此是欽陵切論者若以爲可允則當分明斷決之若以爲不可允則當設冊以羈縻之終不可直拒絕以阻其意使興邊患也臣竊料此事關隴動靜之機豈可輕舉措哉使彼既和未絕則其惡亦不得頓生請借人事爲比設如人家遭盜一則攻其內室一則寇其外落主人必不先於外寇而憂在內室矣何則以內患近而

外患遠也今國之外患者十姓四鎮是內患者甘涼瓜肅是復關隴之人事屯田向三十年臣料其力用久竭弊矣脫一朝甘涼有不虞此中豈堪廣調發耶臣實病之不知朝廷以爲何如夫善爲國者當先料內以敵外不勝外以害內今議事者捨近患而靡恤務遠患而是貪芻臣愚竊罔識厥策必以四鎮般重事不可依何不言事以答之如欽陵云四鎮諸部與蕃界接懼漢密近蘭今城鄯今西北爲漢患實在茲輩斯亦國家之所要者今宜報陵云國家非恡四鎮本置此以扼蕃國之尾分蕃國之力使不得并兵東侵今若頓委之於蕃恐蕃力強易爲東擾必實無東

意則宜還漢吐渾諸部及青海故地即俟斤部落當以與蕃如此足塞陵口而和事未全絕如後小有乖則曲在彼兼西邊諸國款附歲久論其情意豈與吐蕃同日而言今未知其利害未審其情實逕有分裂亦恐傷諸國之意非制馭之筭待籌損益知其利便續以有報如此則亦和未爲絕更使彼蕃懸情上國是亦誘撫之方伏願省擇使無遺筭以惠百姓也其後贊府年長忌欽陵乃與首領論巖等密圖之言將獵召兵執欽陵親党二千餘人殺之自帥衆討欽陵欽陵自殺其親信左右同日自殺者百餘人其弟贊婆先在東境率千餘人來降授右衛大將軍乞梨拔

布神龍初死其子立乞梨弩悉籠時年七歲祖母祿沒氏攝位至中宗神龍三年四月以所養嗣雍王守禮女封金城公主出降吐蕃贊普景龍四年正月幸始平縣送金城公主以左驍衛大將軍楊矩爲使二月改始平縣爲金城縣又改其地爲鳳臺鄉愴別里天寶十四年死其子立號乞犁悉籠納贊

大羊同

大羊同東接吐蕃西接小羊同北直于闐東西千餘里勝兵八九萬人其人辮髮羶裘畜牧爲業地多風雪冰厚丈餘所出物產頗同蕃俗無文字但刻木結繩而已刑法嚴峻其酋豪死抉於穴去其腦實以珠

王剖其五臟易以黃金假造金鼻銀齒以人爲殉卜以吉辰藏諸巖穴他人莫知其所多殺犝牛羊馬以充祭祀塋畢服除其王姓姜葛有四大臣分掌國事自古未通中國大唐貞觀十五年遣使來朝

悉立

悉立在吐蕃西南戶五萬有城邑村落依溪澗丈夫以繒綵纏頭衣擅褐婦人辮髮著短裙以蒸報爲俗畜多水牛羖羊雞豕穀宜秔稻麥豆饒其箴諸果死塋於中野不爲封樹喪制以黑爲衣一年就吉刑有別劓羈事吐蕃自古未通中國大唐貞觀二十年遣使貢方物

章求拔

章求拔或云章揭拔本西羌種也在悉立西南居四山之內近代移出山西接東天竺遂改衣服變西羌之俗其地延袤八九百里勝兵二千餘人居無城郭好爲寇掠商旅患之聞悉立入朝亦遣使朝貢

泥婆羅

泥婆羅國在吐蕃西其俗剪髮與眉齊穿耳瑱植竹筒緩至肩者以爲姣麗食用手其器皆銅多商賈少田作以銅爲錢面文爲人背文爲馬其牛鼻不穿孔衣服以一幅布蔽身數日盥漱以板爲屋壁皆雕畫俗重博戲頗解推測盈虛兼通曆術事五天神鐫石

通典卷一百九十一
為像每日清水浴神烹羊而祭其王那陵提婆身着
真珠諸寶耳垂金鈎玉鐺佩寶裝伏突坐獅子座常
散花燃香大臣左右並坐於地有阿耆婆滿池周迴
二十餘步以物投之即生煙焰懸金而炊須臾而熟
唐永徽二年遣使朝貢

杜氏通典卷第一百九十一終

杜氏通典卷第一百九十一

邊防七 西戎三

西戎揔序 樓蘭 且末 杆彌

車師 高昌附 龜茲

西戎揔序

西域以漢孝武時始通本三十六國皆在匈奴之西
烏孫之南南北有大山中央有河東西六千餘里東
則接漢阨以玉門陽關 二關並在 西則限以葱嶺諸
國大率土著有城郭田畜與烏孫異故皆役屬匈奴
西邊日逐王領西城賦稅取足焉其南山東出金城
今金城會寧安鄉西 與漢南山屬焉 屬聯 自玉門陽
平等即漢金城郡地